

## 送给女生励志的诗句

1.  
门外山光马亦惊，阶前屐齿我先行。风花误入长春苑，云月长临不夜城。  
未许牛羊伤至洁，且看鸦鹊弄新晴。更须携被留僧榻，待听催檐泻竹声。

2.  
莫笑农家腊酒浑，丰年留客足鸡豚。山重水复疑无路，柳暗花明又一村。  
箫鼓追随春社近，衣冠简朴古风存。从今若许闲乘月，拄杖无时夜叩门。

3.  
书卷多情似故人，晨昏忧乐每相亲。眼前直下三千字，胸次全无一点尘。  
活水源流随处满，东风花柳逐时新。金鞍玉勒寻芳客，未信我庐别有春。

4.  
举头西北浮云，倚天万里须长剑。人言此地，夜深长见，斗牛光焰。我觉山高，潭空水冷，月明星淡。待燃犀下看，凭栏却怕，风雷怒，鱼龙惨。

5.  
不向红尘浪着鞭，殊无才业合时贤。本酬壮志都无效，欲住青山却有缘。  
翠竹阴中开缥帙，白云堆里揖飞泉。锦屏正与溪南对，他日从游子子传。

6.  
离索堪惊岁月忙，少城遗爱未曾忘。西园尚记英游并，南浦空嗟别恨长。  
壮志自窥勋业镜，高情休忆水云乡。玉关柝静边烽息，汉殿归称万岁

觴。

7.  
索寞红芳又一年，老郎空解惜春残。才闻莺啭夸杨柳，已被蝉声哭牡丹。  
壮志休磨三尺剑，白头谁藉两梁冠。酒罇何必劳人劝，且折余花更尽欢。

8.  
异乡明月怕逢秋，与子偕臧感去留。蕙质莫言传绛帐，樗材犹恐负青眸。  
灌夫骂座难容世，谢客摹书竟入流。吾已鹑居诗废久，几番醉为隔年愁。

9.  
寒日萧萧上琐窗，梧桐应恨夜来霜。酒阑更喜团茶苦，梦断偏宜瑞脑香。  
秋已尽，日犹长，仲宣怀远更凄凉。不如随分尊前醉，莫负东篱菊蕊黄。

10.  
竹溪满口相称说，韩槩林间一辈流。少不如人今已老，天之命我子难修。  
桑蓬壮志无成就，箕斗虚名有悔尤。试为端蓍占岁晚，几围枣实几蹄牛。

11.  
薄暮疏林宿鸟还，倚楼垂袂复凭栏。月沈江底珠轮净，云锁峰头玉叶寒。  
刘毅暂贫虽壮志，冯唐将老自低颜。无言独对秋风立，拟把朝簪换钓竿。

12.  
十五年前送别诗，道山持节向江西。今年又见送公别，大天拥麾镇闽越。  
向来惜别固已深，今日掺祛尤动心。尚书自是第一人，气义相许披胸襟。

13.  
愧无奇策辅吾皇，乞得闲官老故乡。壮志未甘悲白发，欢情犹看舞红妆

。长歌不计闲光景，吟苦难滋旧肺肠。多谢同心二三友，每传佳句挹华觞。

14.

负笈重来感旧游，流年衰鬓两经秋。湖山依旧浑相识，风月愁人不自由。尚有故交重冷榻，可堪归梦到沧洲。谁怜壮志空凋落，百链金为绕指柔。

15.

黄河泰岱势连天，俯看中流一点烟。此地尽能开眼界，远行不为好山川。陆机入洛才名振，苏轼来游壮志坚。多谢咿唔穷达士，残年兀坐守遗编。

16.

浪迹人间四十年，镜中不觉已华颠。山川惨澹秋多感，灯火青荧夜少眠。壮志已忘榆塞外，高情正在酒垆边。扁舟不恨无人识，且复长歌入暮烟。

17.

参横斗转欲三更，苦雨终风也解晴。云散月明谁点缀？天容海色本澄清。空余鲁叟乘桴意，粗识轩辕奏乐声。九死南荒吾不恨，兹游奇绝冠平生。

18.

漠漠荒郊鸟乱飞，人民城郭叹都非。沙沈枯骨何须葬，血污游魂不得归。麦饭无人作寒食，绋袍有泪哭斜晖。生存零落皆如此，但恨平生壮志违。

19.

闭置秋光许一寻，闲持敬碗对疏林。几人真有登高兴，半日聊酬避世心。丛菊霜残殊自傲，薄云风聚不成阴。海滨此会应难再，那得横流免陆沉。

20.

塞上秋风鼓角，城头落日旌旗。少年鞍马适相宜。从军乐，莫问所从谁。  
侯骑才通蓟北，先声已动辽西。归期犹及柳依依。春闺月，红袖不须啼。

21.

幅巾藜杖北城头，卷地西风满眼愁。一点烽传散关信，两行雁带杜陵秋。  
山河兴废供搔首，身世安危入倚楼。横槊赋诗非复昔，梦魂犹绕古梁州。

22.

白首微官只自囚，青灯明灭北窗幽。五更风雨梦千里，半世江湖身百忧。  
壮志已孤金锁甲，倦游空揽黑貂裘。灞亭夜猎犹堪乐，敢恨将军老不侯。

23.

忆昨从戎丞相府，元瑜书檄仲宣诗。云屯骑士临边日，鱼贯降胡献捷时。  
史册误人悲壮志，关河回首负初期。岂知二纪身犹在，衰鬓星星老侍祠。

24.

林断山明竹隐墙。乱蝉衰草小池塘。翻空白鸟时时见，照水红蕖细细香。  
村舍外，古城旁。杖藜徐步转斜阳。殷勤昨夜三更雨，又得浮生一日凉。

25.

碧山学士焚银鱼，白马却走深岩居。古人已用三冬足，年少今开万卷余。  
晴云满户团倾盖，秋水浮阶溜决渠。富贵必从勤苦得，男儿须读五车书。

26.

痴翁切莫强笞儿，子之勤劳我所知。但看匡衡穿壁苦，难云甯越读书迟。  
能来伴我沧浪艇，共看一年橙橘时。莫为小乔淹壮志，千军白羽生堪麾。

27.

破楚门西更向西，画船双桨白公堤。人家临水花为市，僧舍沿山石作梯。  
弱柳似随歌扇拂，好莺偏傍舞筵啼。讨春年少情难尽，不许亭亭日色低。

28.

传闻阙下降丝纶，为报关东灭虏尘。壮志已怜成白首，馀生犹待发青春。  
风霜何事偏伤物，天地无情亦爱人。持法不须张密网，恩波自解惜枯鳞。

29.

草黄木脱何所适，使我感叹生百疾。天骥屡为驽骀笑，良玉空遭砧砧黜。  
少年壮志思绝尘，只今作计常后人。明堂巨栋吾何有，护竹养花甘隐沦。

30.

壮志蹉跎隐事差，瓣香稽首向南华。岁收别业无千绢，晨起斋厨止一麻。  
麦饭何妨荐寒食，榆钱元不济贫家。金瓶烂熳簪姚魏，谁问幽兰涧底花。

31.

雄心壮志两峥嵘，谁谓中年志不成。零落篇章为世宝，平生风义见交情。  
青松月下泉台路，白草原头薤露声。自古英豪皆若此，哭君徒有泪沾缨。

32.

闲来无事不从容，睡觉东窗日已红。万物静观皆自得，四时佳兴与人同。  
道通天地有形外，思入风云变态中。富贵不淫贫贱乐，男儿到此是英雄。

33.

金貂玉铉奉君恩，夜漏晨钟老掖垣。参决万机空有愧，静观群动亦无言。  
杯中壮志红颜歇，林下秋声绛叶翻。倦鸟不知归去日，青芜白露满郊园。

34.

欲从东海起朝晖，鸡报五更烟火微。江上沙鸥难独唱，堂前紫燕已双归。广栽龙柏开行径，为爱灵龟罢钓矶。蝶梦蘧蘧人未老，故园春色正依稀。

35.

壮志凌云气食牛，少年何事苦淹留？狂歌鸣凤聊自慰，旧学屠龙良已休。台阁故人俱屏迹，闾阎小子尽封侯。愁来按剑南楼坐，寥落江山万里愁。

36.

雁叫淮南欲雪天，倚楼无味抱愁眠。算从沧海白云际，行到黄州赤壁边。万事忌于怀壮志，一生穷为耸吟肩。鬓间白者休教镊，要使天知老可怜。

37.

青堂帐下白题歌，王师城外横天戈。白首国母契丹女，泣问王师来谓何。将军突骑擅府库，羌儿逃死独峰驼。军中即日拜太守，兜鍪未脱群冠峨。

38.

壮志凌云气吐虹，才华高出辈流中。读书不负建楼意，好客尚矜投辖风。鸮荐共朝登虎榜，鷁飞无复到蟾宫。春来池馆浑如旧，梦觉黄粱事已空。

39.

忆昔轻装万里行，水邮山驿不论程。屡经汉帝烧余栈，曾宿唐家雪外城。壮志可怜成昨梦，残年惟有事春耕。西窗忽听空阶雨，独对青灯意未平。

40.

赤县飘零未易逢，那知今夕一樽同。好招明月共清影，托与白云行太空。懔懔旧游如隔世，蹉跎壮志莫论功。两公秉烛还相对，情话从渠半醉中。

41.

都下灯前别酒阑，我归江国子闽关。鲤鱼不赐书来去，蝴蝶犹将梦往还。抵掌伊吾灰壮志，折腰彭泽汗衰颜。十年以后来相问，收拾俸余归买山。

42.

昔看黄菊与君别，今听玄蝉我却回。五夜飕飕枕前觉，一年颜状镜中来。马思边草拳毛动，雕眄青云睡眼开。天地肃清堪四望，为君扶病上高台。

43.

春未老，风细柳斜斜。试上超然台上看，半壕春水一城花。烟雨暗千家。寒食后，酒醒却咨嗟。休对故人思故国，且将新火试新茶。诗酒趁年华。

44.

少小从军事袴鞬，只今庙算主通和。胡来复去兔三窟，民散未收蜂一窝。病觉风光于我薄，老知书册误人多。罪言著就深藏取，自笑狂生壮志蹉。

45.

故人犹忆苦吟劳，所惠何殊金错刀。霜雪剪裁新剡硿，锋铓管束本宣毫。知君倒篋情何厚，借我临池价斗高。词客分张看欲尽，不堪来处隔秋涛。

46.

瘴江南去入云烟，望尽黄茆是海边。山腹雨晴添象迹，潭心日暖长蛟涎。射工巧伺游人影，飓母偏惊旅客船。从此忧来非一事，岂容华发待流年。

47.

昨夜扁舟雨一蓑，满江风浪夜如何？今朝试卷孤篷看，依旧青山绿树多。郁郁层峦夹岸青，春山绿水去无声。烟波一棹知何许？鷓鴣两山相对鸣。

48.

病骨支离纱帽宽，孤臣万里客江干。位卑未敢忘忧国，事定犹须待阖棺。  
天地神灵扶庙社，京华父老望和銮。出师一表通今古，夜半挑灯更细看。

49.

壮志摩云一剑闲，欲屠石堡斩楼兰。功名努力车登坂，岁月惊心水下滩。  
小小茆茨渔子舍，星星鬓发腐儒冠。高山流水无穷思，整顿瑶琴试一弹。

50.

鱼复城边夕照红，物华偏解恼衰翁。巴莺有恨啼芳树，野水无情人故宫。  
许国渐疏悲壮志，读书多忘媿新功。因君共语增惆怅，京洛交游欲半空。

51.

薄霜门巷不胜清，小立湖边夕照明。红颗带芒收晚稻，绿苞和叶摘新橙。  
闲评琴价留僧话，静听松声领鹤行。壮志消磨浑欲尽，西风莫动玉关情。

52.

壮志高才偃一藩，更嗟贤路此时难。长幡欲动何妨屈，老骥能行岂易闲。  
沙市放船寒月日，渚宫留御古苔斑。知公未厌还随诏，归看功名重太山。

53.

长松稍稍老烟雾，瀑泉飞落千丈布。树精摇手不敢呵，雅是仙人熟眠处。  
睡蛇未死惊起来，风吹野服冠崔嵬。双髻窈窕磨老瓦，墨汁涓涓翻莓苔。

54.

流年冉冉不容追，余息厌厌只自知。马革裹尸违壮志，鹿门采药卜幽期。  
林蝉委蜕仙何远，巢燕成雏去已迟。触事尔来多感慨，北窗闲赋早秋诗。

55.

闲居作赋拟安仁，壮志潜消白发新。烟浪静牵来往梦，莺花深慰寂寥身。  
野塘草绿湖村暮，石鼎茶香岳寺春。终学支公买山住，白云深处待为邻。

56.

公装夏帽仿西欧，编织新搜树叶柔。洗去泥涂肤白白，绝无芒刺背能留。  
葛巾陶令思归隐，箬笠苏公爱自由。嘉木蕃生遍台岛，此乡番语号林投。

57.

城头月落霜如雪，楼头五更声欲绝。捧盘出户歌一声，市楼东西人未行。  
北风吹衣射我饼，不忧衣单忧饼冷。业无高卑志当坚，男儿有求安得闲。

58.

辛苦遭逢起一经，干戈寥落四周星。山河破碎风飘絮，身世浮沉雨打萍。  
惶恐滩头说惶恐，零丁洋里叹零丁。人生自古谁无死？留取丹心照汗青。

59.

浩荡江风动客襟，短亭清晚一登临。乱霞藏日半天纈，绿水浸空千顷金。  
壮志未成游学恨，素交将散别离心。前山更有难寻景，试为闲来一苦吟。

60.

能与桃花作主人，西街老屋未全贫。一晴到眼春无价，数客哦诗句有神。  
稍觉三杯初下鬲，浑忘六籍几经秦。东风酒面鱼鳞起，平世安知此乐真。

本文链接：<https://duanjuziku.com/duanjuzi/8caqasiza3.html>